



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2016. GODINU I POSTIZBORNOG FINANSIJSKOG IZVJEŠTAJA - LOKALNI IZBORI 2016. GODINE SOCIJALDEMOKRATSKE PARTIJE BOSNE I HERCEGOVINE

Broj: 03-07-6-575/17
Sarajevo, 31.08.2018. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet revizije.....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	13

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Socijaldemokratska partija Bosne i Hercegovine za 2016. godinu, i to: godišnjeg finansijskog izvještaja za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2016. godinu, utvrđeno je da je Socijaldemokratska partija Bosne i Hercegovine prekršila odredbe člana 4. stav (1), člana 5. stav (4), člana 8. stav (1) i stav (5), člana 11. i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Socijaldemokratska partija Bosne i Hercegovine u 2016. godini postupao u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Socijaldemokratske partije Bosne i Hercegovine za 2016. godinu, i to: godišnjeg finansijskog izvještaja za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Socijaldemokratska partija Bosne i Hercegovine se finansirala iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	460.229,37	9,77
2.	Prilozi fizičkih lica (3-a)	49.937,75	1,06
3.	Prilozi pravnih lica (3-b)	60.450,00	1,28
4.	Prihodi od imovine (3-c)	624.980,21	13,27
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	10.058,51	0,21
7.	Prihodi iz budžeta (3-f)	1.961.902,84	41,65
8.	Prihodi od propagande (3-g)	0,00	0,00
I	Ukupni prihodi (1-8)	3.157.558,68	67,24
II	Ostali prihodi i drugo	1.543.088,49	32,76
	Izvori finansiranja (I+II)	4.710.647,17	100,00

U godišnjem finansijskom izvještaju stranka je iskazala rashode u ukupnom iznosu od 5.000.183,28 KM.

2. PREDSTAVLJANJE POLITIČKE STRANKE

Naziv političke stranke je Socijaldemokratska partija Bosne i Hercegovine. Skraćeni naziv stranke je SDP BiH.

Politička stranka je registrovana kod Višeg suda u Sarajevu 21.03.1990. godine, pod brojem upisa: R-I-1/90. Dana 16.03.1999. godine, Socijaldemokratska partija Bosne i Hercegovine je upisana u registar Kantonalnog suda u Sarajevu, pod brojem: R-I-1/99. Sjedište političke stranke je u Sarajevu, ulica Alipašina 41.

Lica ovlaštena za zastupanje političke stranke su: Nermin Nikšić, predsjednik i Irfan Čengić, generalni sekretar stranke.

Lice ovlašteno za podnošenje finansijskih izvještaja za 2016. godinu je Irfan Čengić.

Prema podacima iz godišnjeg finansijskog izvještaja za 2016. godinu, organizacionu strukturu Socijaldemokratske partije Bosne i Hercegovine čine:

¹ Podaci iz izmjenjenog obrasca 3. Izvori finansiranja dostavljen uz očitivanje dana 30.08.2018. godine.

- Glavni odbor SDP,
- 9 kantonalnih odbora,
- 7 regionalnih odbora,
- 9 gradskih odbora,
- 90 općinskih odbora i
- Odbor SDP u Brčko distriktu BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet revizije je godišnji finansijski izvještaj Socijaldemokratske partije Bosne i Hercegovine za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine, i to sljedećih organizacionih dijelova političke stranke:

- Glavni odbor SDP,
- Gradski odbor SDP Sarajevo,
- Općinski odbor SDP Zenica i,
- Općinski odbor SDP Ključ.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Socijaldemokratska partija Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Obim revizije finansijskih izvještaja Socijaldemokratske partije Bosne i Hercegovine obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode iz budžeta, ostale prihode i troškove izborne kampanje.

4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Socijaldemokratske partije Bosne i Hercegovine u periodu od 2004. do 2015. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2015. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da vodi evidencije o priložima, da se ne finansira iz izvora koji su zabranjeni ovim Zakonom, da uspostavi potpune i tačne evidencije o prihodima, da troškove evidentira u poslovnim knjigama i iskazuje u finansijskom izvještaju u momentu nastanka obaveze, a ne u momentu plaćanja, odnosno da poslovne knjige vodi u skladu sa Zakonom o računovodstvu i reviziji Federacije BiH i da finansijske izvještaje Centralnoj izbornoj komisiji Bosne i Hercegovine podnosi u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Socijaldemokratska partija Bosne i Hercegovine nije ispoštovala preporuke revizije.

5. NALAZI I PREPORUKE REVIZIJE

5.1 NALAZI

a) Socijaldemokratska partija Bosne i Hercegovine nije postupila u skladu sa odredbama odredbama člana 4. stav (1) Zakona o finansiranju političkih stranaka.

Programom utroška sredstava za 2016. godinu Socijaldemokratska partija Bosne i Hercegovine je na nivou stranke planirala troškove u iznosu od 4.774.000,00 KM.

- U okviru navedenog iznosa stranka je predvidjela stavku Povrat deficita iz ranijih godina u iznosu od 1.100.000,00 KM.

S obzirom da deficit predstavlja višak rashoda nad prihodima iz ranijih godina, stranka je neopravdano predvidjela nove troškove, kojima bi se deficit dodatno povećao za iznos od 1.100.000,00 KM.

- Uvidom u poslovne knjige i finansijsku dokumentaciju stranke, utvrđeno je da su Usluge na nivou stranke planirane u iznosu od 1.100.000,00 KM, dok su troškovi za razne vrste usluga u 2016. godini iznosili 1.660.358,62 KM.

Stranka je troškove materijala i energije planirala u iznosu od 230.000,00 KM, dok je ostvarila troškove materijala i energije u iznosu od 252.676,06 KM.

Na isti način stranka je ostale rashode planirala u iznosu od 400.000,00 KM, dok su prema poslovnim knjigama ostali rashodi iznosili 1.374.697,48 KM.

- Revizijom OO SDP BiH Ključ utvrđeno je da ovaj odbor u 2016. godini nije dostavio cjelokupnu dokumentaciju, te da nisu evidentirani ukupno ostvareni troškovi, odnosno ovaj općinski odbor je ostvario veće troškove od onih koji su iskazani u finansijskom izvještaju.
- Stranka planom utroška nije predvidjela troškove OO SDP BiH Brod, niti je ostvarene troškove ovog organizacionog dijela evidentirala u poslovnim knjigama i finansijskom izvještaju.

S obzirom da sredstva nisu utrošena u skladu sa programom utroška za 2016. godinu, stranka je prekršila odredbe člana 4. stav (1) Zakona o finansiranju političkih stranaka.

b) Socijaldemokratska partija Bosne i Hercegovine prekršila je odredbe člana 5. stav (4)² Zakona o finansiranju političkih stranaka.

Socijaldemokratska partija Bosne i Hercegovine u poslovnim knjigama i u finansijskom izvještaju nije iskazala nenovčane donacije po osnovu besplatnog korištenja poslovnih prostora u vlasništvu sljedećih općina: Bosanska Krupa, Gradačac, Ključ, Ilijaš, Jablanica i Novo Sarajevo, čime je prekršila odredbe člana 5. stav (4) Zakona o finansiranju političkih stranaka.

Takođe, stranka nije iskazala nenovčane donacije po osnovu besplatnog korištenja prostora Kristalne sale Općine Bugojno, sale Općine Stari Grad Sarajevo i kino sale „Kino Theatre“ doo Busovača čiji je vlasnik Općina Busovača.

- Uvidom u akt Općine Bosanska Krupa, broj: 01/V-47/17 od 10.04.2017. godine koji je Općina Bosanska Krupa dostavila Centralnoj izbornoj komisiji BiH, utvrđeno je da je OO Socijaldemokratske partije Bosne i Hercegovine Bosanska Krupa tokom 2016. godine koristio poslovni prostor površine 31,00 m² u vlasništvu Općine Bosanska Krupa bez naknade.
- Općina Gradačac je u aktu broj: 08/2-31-764/17 od 10.04.2017. godine navela da Općinski odbor Socijaldemokratske partije Bosne i Hercegovine Gradačac na osnovu ugovora broj 08/2-31-2684/13 od 24.10.2013. godine koristi poslovne prostorije u vlasništvu ove općine, površine 56,64 m², bez naknade.
- Prema podacima koje je, aktom broj: 05-49-980/17 od 10.04.2017. godine dostavila Općina Ključ, poslovni prostor zgrade Doma kulture, Općina Ključ je dodijelila na korištenje Udruženju građana „Ključki biseri“ iz Ključa. Ovo udruženje građana je Socijaldemokratskoj partiji Bosne i Hercegovine u Ključu dio prostora, površine 25,00 m², dodijelilo na korištenje bez naknade.

² Političke stranke dužne su voditi evidenciju o prijemu članarina i dobrovoljnih prihoda, te izdavati potvrde o prijemu članarina i dobrovoljnih priloga.

- Općina Ilijaš je u aktu broj: 04/1-14-907/17 od 14.04.2017. godine navela da je Općinskom odboru Socijaldemokratske partije Bosne i Hercegovine Ilijaš dodijelila kancelariju površine 33,8 m² na korištenje bez naknade.
- Uvidom u akt Općine Jablanica, broj: 01-25-4-967/17 od 14.04.2017. godine, utvrđeno je da je OO Socijaldemokratske partije Bosne i Hercegovine Jablanica tokom 2016. godine koristio poslovni prostor površine 8,40 m² u vlasništvu Općine Jablanica bez naknade.
- Općina Novo Sarajevo je u aktu broj: 01-23-826/17 od 14.04.2017. godine navela da je Općinskom odboru Socijaldemokratske partije Bosne i Hercegovine Novo Sarajevo dodijelila kancelariju površine 102,20 m² na korištenje bez naknade.

Korištenjem poslovnih prostora, bez plaćanja zakupnine i bez naknade, Socijaldemokratska partija Bosne i Hercegovine je primila nenovčane donacije, koju je u skladu sa odredbama iz člana 5. stav (4) Zakona o finansiranju političkih stranaka i Pravilnikom o godišnjim finansijskim izvještajima političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

c) Revizijom godišnjeg finansijskog izvještaja za 2016. godinu, utvrđeno je da je Socijaldemokratska partija Bosne i Hercegovine prekršila odredbe člana 8. stav (1) i stav (5) Zakona o finansiranju političkih stranaka.

(1) Socijaldemokratska partija Bosne i Hercegovine je tokom 2016. godine je prekršila odredbe člana 8. stav (1) tačka a) i tačka g) Zakona o finansiranju političkih stranaka.

a) U vrijeme predizborne kampanje stranka je za svoje predizborne aktivnosti besplatno koristila prostor Kristalne sale Općine Bugojno, sale Općine Stari Grad Sarajevo i kino sale „Kino Theatre“ doo Busovača čiji je vlasnik Općina Busovača, te je besplatnim korištenjem ostvarila priloge koji su Zakonom zabranjeni.

Na osnovu Izvještaja Koalicije „Pod lupom“ i dokumentacije koju je stranka naknadno dostavila, utvrđeno je da je stranka tokom predizborne kampanje koristila, bez naknade, navedene prostore.

b) OO SDP BiH Ključ je u 2016. godini, za svoj rad, bez naknade, koristio prostorije Udruženja žena „Ključki biseri“ Ključ. Na osnovu prikupljene dokumentacije, utvrđeno je da se Udruženje žena „Ključki biseri“ Ključ finansiralo javnim sredstvima, te je stranka na taj način ostvarila zabranjeni prilog.

(2) Na osnovu prikupljene dokumentacije, utvrđeno je da je Socijaldemokratska partija Bosne i Hercegovine izdavanjem imovine u Gračanici za koju nije dokazala da posjeduje pravo vlasništva u 2016. godini, ostvarila prihod u iznosu od 1.200,00 KM, čime je prekršila odredbe člana 8. stav (5) Zakona o finansiranju političkih stranaka.³

Stranka je izdavanjem poslovnih prostora u Gračanici, za koji ne posjeduje relevantne dokaze o vlasništvu⁴, ostvarila prihode u iznosu od 1.200,00 KM.⁵

d) Socijaldemokratska partija Bosne i Hercegovine prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljene revizije godišnjeg finansijskog izvještaja i prikupljene finansijske dokumentacije, utvrđeno je da Socijaldemokratska partija Bosne i Hercegovine nije u skladu sa računovodstvenim propisima i odredbama Zakona o finansiranju političkih stranaka uspostavila

³ U skladu sa odredbom člana 8. stav (5) Zakona o finansiranju političkih partija, političke partije ne mogu ostvarivati prihode od imovine koja nije u njihovom vlasništvu.

⁴ SDP BiH Gračanica dostavila je informaciju od Općine Gradačac broj: 06-31-3183/16 od 16.09.2016. godine, kojom obavještava SDP BiH da imovina kojom raspolaže stranka u Gračanici, nije uknjižena u katastarske i gruntovne knjige, i da je u toku proces rješavanja uknjiženja putem projekta registracije nekretnina.

⁵ Poslovni prostor je iznajmljen pravnom licu dd „Jedinstvo“ Gračanica.

potpune i tačne evidencije o svojim prihodima, rashodima, obavezama i tokovima novčanih sredstva, niti je godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) U svojim poslovnim knjigama i finansijskom izvještaju stranka je u okviru Ostalih prihoda iskazala prihod ostvaren po osnovu prodaje objekta u iznosu od 1.540.123,00 KM.⁶

U toku revizije utvrđeno je da je stranka cjelokupni iznos od 1.540.123,00 KM evidentirala kao prihod od prodaje građevinskog objekta, te da nema pomoćne knjige osnovnih sredstava niti evidencije o vrijednostima osnovnih sredstava za svako pojedinačno sredstvo.

Zbog pogrešnih evidencija koje je izvršila prilikom prodaje zgrade stranka je u svojim poslovnim knjigama iskazala „nabavnu vrijednost prodane robe“ u iznosu od 903.386,27 KM, što predstavlja trošak stranke.

Prema ugovoru o prodaji nekretnine stranka je prodala objekat u iznosu od 1.618.135,00 KM, a prema poslovnim knjigama, neamortizovana odnosno sadašnja vrijednost prodane nekretnine do momenta prodaje iznosila je 764.840,00 KM. Razlika između prodajne vrijednosti i sadašnje (knjigovodstvene) vrijednosti iznosi 893.295,00 KM i predstavlja dobit stranke ostvarenu po osnovu prodaje nekretnine, a ne trošak kao što je stranka iskazala.

Zbog neadekvatnih evidencija u svojim poslovnim knjigama stranka je svoje troškove i prihode iskazala u većem iznosu u odnosu na ostvarene, i to troškove za 903.386,27 KM, a prihode u većem iznosu za 646.828,00 KM.

- (2) Stranka u poslovnim knjigama i finansijskom izvještaju nije iskazala prihod ostvaren po osnovu uplate članarina putem blagajne u iznosu od 86,00 KM u OO SDP BiH Brod, te je na taj način iskazala prihode u manjem iznosu za 86,00 KM, što je suprotno odredbama člana 13. Pravilnika.

Takođe, u svojoj organizacionoj strukturi, stranka nije iskazala OO SDP BiH Brod, čime je prekršila odredbe člana 10. Pravilnika.

Uvidom u akt Opštine Brod utvrđeno je da je u 2016. godini u organizacionoj strukturi stranke egzistirao Opštinski odbor SDP BiH Brod, a da stranka isti nije iskazala u finansijskom izvještaju. Navedeni odbor je u 2016. godini bio aktivan, odnosno ostvario je prihode i rashode.

- (3) Politička stranka u obrascu 2. finansijskog izvještaja (Pregled prometa svih transakcijskih računa političke stranke) nije prijavila sve transakcijske račune, odnosno iskazala je pogrešne podatke o prometu ostvarenom putem računa u 2016. godini, čime je prekršila odredbe člana 11. Pravilnika.

Uvidom u Izvještaj Centralne banke Bosne i Hercegovine utvrđeno je da stranka nije iskazala u finansijskom izvještaju transakcijske račune otvorene kod UniCredit banke po kojima nije ostvarila promet u 2016. godini, i to: 3387202238389463 koji pripada OO SDP BiH Nevesinje i 3387202238392955 koji pripada Forumu mladih SDP BiH

- Socijaldemokratska partija Bosne i Hercegovine nije iskazala transakcijske račune otvorene kod Raiffeisen banke broj: 1610300005320446 i 1610200040430862.

Po transakcijskom računu broj: 1610300005320446 stranka je ostvarila u 2016. godini promet i to: početni saldo u iznosu od 4,28 KM, promet ulaza u iznosu od 132,72 KM, promet izlaza u iznosu od 137,00 KM, a isti je ugašen dana 01.07.2016. godine. Uvidom u izvode sa transakcijskog računa broj: 1610200040430862 utvrđeno je da je početni saldo u iznosio 831,96 KM, promet izlaza u iznosu od 831,96 KM, a račun je ugašen dana 11.11.2016. godini.

- Stranka nije iskazala transakcijski račun broj: 3060240000018582 otvoren kod Addiko banke po osnovu kojeg je stranka u 2016. godini ostvarila početni saldo u iznosu od 97,57 KM, promet ulaza u iznosu od 35,00 KM, promet izlaza u iznosu od 132,57 KM, a isti je ugašen dana 30.11.2016. godine.

⁶ Stranka je prodala objekat pravnom licu koje je koristilo prostor pod zakup u iznosu od 1.618.135,00 KM. Prema kupoprodajnom ugovoru u prodajnu cijenu je uračunata unaprijed plaćena zakupnina u iznosu od 78.012,00 KM.

- Stranka nije iskazala dva transakcijska računa otvorena kod NLB banke i to: transakcijski račun broj: 1322900311816210 na kojem je početni saldo iznosio 3,71 KM, promet ulaza 2.125,00 KM, promet izlaza 2.118,46 KM i saldo na dan 31.12.2016. godine u iznosu od 10,25 KM i transakcijski račun broj: 1322700311813213 na kojem je početni saldo iznosio 2,07 KM, promet ulaza u iznosu od 1.865,00 KM, promet izlaza u iznosu od 1.867,07 KM, koji je zatvoren dana 11.04.2016. godine.
- Stranka nije iskazala i sedam transakcijskih računa otvorenih kod UniCredit banke i to:
 1. transakcijski račun broj: 3387202254452372 sa sljedećim prometom: promet ulaza u iznosu od 474,57 KM, promet izlaza u iznosu od 30,00 KM i saldo na dan 31.12.2016. godine u iznosu od 444,57 KM,
 2. transakcijski račun broj: 3387202238362594 sa sljedećim prometom: promet ulaza u iznosu od 551,26 KM, promet izlaza u iznosu od 15,00 KM i saldo na dan 31.12.2016. godine u iznosu od 536,26 KM,
 3. transakcijski račun broj: 3387202238365213 sa sljedećim prometom: promet ulaza 881,80 KM, promet izlaza u iznosu od 30,00 KM i saldo na dan 31.12.2016. godine u iznosu od 851,80 KM,
 4. transakcijski račun broj: 3387202238370548 sa sljedećim prometom: početni saldo u iznosu od 206,82 KM, promet ulaza u iznosu od 635,82 KM, promet izlaza u iznosu od 444,00 KM i saldo na dan 31.12.2016. godine u iznosu od 191,82 KM,
 5. transakcijski račun broj: 3387202238366183 sa sljedećim prometom: promet ulaza u iznosu od 1.981,58 KM, promet izlaza u iznosu od 641,10 KM i saldo na dan 31.12.2016. godine u iznosu od 1.340,58 KM,
 6. transakcijski račun broj: 5517102243968526 sa sljedećim prometom: početni saldo u iznosu od 202,57 KM, promet ulaza u iznosu od 15,03 KM, promet izlaza u iznosu od 217,60 KM, a isti je ugašen dana 15.12.2016. godine i
 7. transakcijski račun broj: 5514602206359132 sa sljedećim prometom: početni saldo u iznosu od 341,43 KM, promet ulaza u iznosu od 12,53 KM i promet izlaza u iznosu od 353,96 KM. Račun je ugašen dana 29.12.2016. godine.
- Stranka u finansijskom izvještaju nije iskazala dva transakcijska računa otvorena kod UniCredit banke, za koje je utvrđeno da su evidentirani u poslovnim knjigama i čiji promet odgovara prometu utvrđenom putem izvoda, i to:
 1. transakcijski račun broj: 3387202238376950 sa sljedećim prometom: početni saldo u iznosu od 85,84 KM, promet ulaza u iznosu od 188,01 KM, promet izlaza u iznosu od 273,85 KM, a isti je ugašen dana 19.04.2016. godine, zatim
 2. transakcijski račun broj 3389002202219819 sa sljedećim prometom: početni saldo u iznosu od 1.527,00 KM, promet ulaza 4.712,26 KM, promet izlaza u iznosu od 5.216,02 KM i saldo na dan 31.12.2016. godine u iznosu od 1.023,24 KM.
- S obzirom da OO SDP BiH Ključ nije dostavljao potpunu finansijsku dokumentaciju u 2016. godini, stranka je u poslovnim poslovnim knjigama evidentirala promet po računu zaključno sa 30.03.2016. godine, što za posljedicu ima pogrešno iskazane podatke u finansijskom izvještaju. Uvidom u izvode sa transakcijskog računa OO SDP BiH Ključ, utvrđeno je da je početni saldo iznosio 1.884,88 KM, ukupan promet ulaza 5.009,53 KM, promet izlaza 2.317,20 KM, te saldo na dan 30.03.2016. godine 2.692,33 KM, dok je stranka u obrascu 2 iskazala početni saldo u iznosu od 832,90 KM, promet ulaza u iznosu od 5.204,41 KM, promet izlaza u iznosu od 3.344,97 KM, te saldo na dan 30.03.2016. godine u iznosu od 2.692,33 KM.
- Uvidom u akt Opštine Brod broj: 06-04-6/17 od 25.12.2017. godine utvrđeno je da je OO SDP BiH Brod imao otvoren transakcijski račun broj 5520270001461888 u Addiko banci, po osnovu kojeg je ostvario promet, a da isti nije iskazao u finansijskom izvještaju. U toku revizije stranka je dostavila izvode na osnovu kojih je utvrđen sljedeći promet: početni saldo u iznosu od 2.476,68 KM, promet ulaza u iznosu od 679,18 KM, promet izlaza u iznosu od 3.155,86 KM. Dana 15.12.2016. godine navedeni račun je zatvoren.

Uvidom u Bruto bilans stranke utvrđeno je da stranka od gore pobrojanih računa, transakcijske račune broj: 3387202238389463, 3387202238370548 i 3387202238366183 kod UniCredit banke, račun broj: 1610200040430862 kod Raiffeisen banke i račune broj: 3060240000018582 i 5520270001461888 kod Addiko banke nije evidentirala ni u svojim poslovnim knjigama.

Takođe je utvrđeno da stranka u svojim poslovnim knjigama nije evidentirala promet po transakcijskom računu broj: 1610300005320446 kod Raiffeisen banke, računima broj: 1322700311813213 i 1322900311816210 kod NLB banke i računima broj: 5517102243968526 i 3387202254452372 kod UniCredit banke, iako o istim postoje knjigovodstvene isprave, odnosno izvodi sa transakcijskog računa⁷.

Ostale pobrojane račune stranka je evidentirala u svojim poslovnim knjigama ali njihov promet ne odgovara utvrđenom prometu putem izvoda, jer je stranka prilikom gašenja jednih a otvaranja drugih sve izvode evidentirala na jednoj analitičkoj kartici, odnosno (jednom analitičkom kontu).

- (4) Politička stranka u obrascu 2.1 finansijskog izvještaja (Pregled stanja blagajne) nije prijavila promet blagajne u OO SDP BiH Brod, čime je prekršila odredbe člana 12. Pravilnika.

Uvidom u izvode transakcijskog računa OO SDP BiH Brod utvrđeno je da je stranka, odnosno njen organizacioni odbor, sa transakcijskog računa podizao gotovinu za potrebe plaćanja putem blagajne u ukupnom iznosu od 1.690,00 KM i uplate članarine u iznosu od 86,00 KM. Na taj način stranka je ostvarila sljedeći promet blagajne za OO SDP BiH Brod u 2016. godini i to: početni saldo u iznosu od 36,93 KM, promet ulaza u iznosu od 1.768,00 KM, promet izlaza u iznosu od 1.771,10 i saldo na dan 19.10.2016. godine u iznosu od 33,90 KM. Od ukupno nastalih troškova, OO SDP BiH Brod za 179,93 KM nema adekvatnu dokumentaciju, odnosno nema račune ili odluke za isplatu sredstava, što ukazuje na činjenicu da stranka odnosno njen odbor ne poštuje principe blagajničkog poslovanja.

- (5) U obrascu 3-f finansijskog izvještaja (prihodi iz budžeta) stranka nije adekvatno iskazala prihode iz budžeta, čime je prekršila odredbe člana 19. Pravilnika.

- Stranka, u finansijskom izvještaju, u okviru prihoda iz budžeta nije iskazala prihode iz budžeta Općine Sapna u iznosu od 1.000,00 KM i Opštine Prnjavor u iznosu od 157,89 KM. Uvidom u akt broj: 04-14-1618/17 od 19.12.2017. godine, utvrđeno je da je Općina Sapna uplatila zaostala sredstva iz 2015. godine u iznosu od 1.000,00 KM i akt broj: 01/1-401-46/17 od 20.12.2016. godine, utvrđeno je da je Opštine Prnjavor uplatila sredstva u iznosu od 157,89 KM.
- Na osnovu akta Općine Ključ broj: 01-14-488-2/17 od 18.12.2017. godine utvrđeno je da je stranka iskazala prihod iz budžeta Općine Ključ u manjem iznosu za 8.424,45 KM. U finansijskom izvještaju stranka je iskazala prihod Općine Ključ u iznosu od 4.021,00 KM, dok je Općina dostavila podatak o uplati budžetskih prihoda u 2016. godini u iznosu od 12.445,00 KM.
- SDP BiH je u finansijskom izvještaju iskazao prihode iz budžeta Opštine Brod u iznosu od 104,00 KM, odnosno u manjem iznosu za 1.073,00 KM. Na osnovu akta Opštine Brod broj: 06-04-6/17 od 25.12.2017. godine utvrđeno je da je SDP BiH iz budžeta ove opštine primila sredstva u iznosu od 1.177,00 KM.

Takođe, stranka je zbog pogrešno evidentiranih uplata budžetskih tranši, u finansijskom izvještaju iskazala prihod iz budžeta Gradskog odbora SDP BiH Tuzla u većem iznosu za 6.955,62 KM, te prihod iz budžeta Kantonalnog odbora SDP BiH Sarajevo u većem iznosu za 5.821,43 KM.

- (6) U finansijskom izvještaju stranka je iskazala prihode po osnovu otpisanih obaveza u ukupnom iznosu od 1.446,79 KM, a za koje je utvrđeno da su nastali kao rezultat pogrešnih evidencija o obavezama u prethodnom periodu.⁸

⁷ Stranka nije proknjižila izvode sa transakcijskog računa.

⁸ Uvidom u dokumentaciju utvrđeno je da su navedene obaveze nastale kao rezultat neadekvatnih evidencija u prethodnom periodu, a ne kao rezultat neizmirenih obaveza.

Naime, stranka je izvršila isknižavanje obaveza prema sljedećim pravnim licima: ABC 1968 u iznosu od 1.010,01 KM, UniCredit lizing u iznosu od 261,00 KM i Komunalno Brčko u iznosu od 175,78 KM.

(7) Politička stranka u poslovnim knjigama nije uspostavila tačne evidencije o prihodima i rashodima i nije pravilno iskazala prihode na obrascu 3-e (nenovčane donacije) i 3. (izvori finansiranja) i rashode u obrascima 4. (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršila odredbe člana 13., 18., 21. i 22. Pravilnika.

- Stranka u godišnjem finansijskom izvještaju nije iskazala nenovčane donacije po osnovu korištenja poslovnih prostora bez naknade u vlasništvu općina: Bosanska Krupa, Gradačac, Ključ, Ilijaš, Jablanica i Novo Sarajevo, čime je prekršila odredbe člana 13., člana 18., člana 21. i člana 22. Pravilnika.

Takođe, revizijom je utvrđeno da je stranka za potrebe predizborne kampanje, bez naknade, koristila Kristalnu salu Općine Bugojno, salu Općine Stari Grad Sarajevo i kino salu „Kino Theatre“ doo Busovača, a čiji je vlasnik Općina Busovača. Stranka u godišnjem finansijskom izvještaju nije iskazala ove nenovčane donacije po osnovu korištenja navedenih prostora bez naknade u vlasništvu općina: Bugojno, Stari Grad Sarajevo i Busovača, čime je prekršila odredbe člana 13., člana 18., člana 21. i člana 23. Pravilnika.

- Uvidom u blagajničke izvještaje OO SDP BiH Brod utvrđeno je da je stranka u 2016. godini u ovom odboru ostvarila režijsko-administrativne i ostale troškove u ukupnom iznosu od 1.771,10 KM, a iste nije evidentirala i iskazala u finansijskom izvještaju, te je na taj način troškove iskazala u manjem iznosu za 1.771,10 KM.

- Uvidom u izvode transakcijskog računa OO SDP BiH Brod utvrđeno je da je stranka u ovom odboru ostvarila troškove kampanje, odnosno u dva navrata je platila štampanje izbornog materijala u iznosu od 770,00 KM, a da iste nije prijavila u obrascu 4-2, što je suprotno odredbama člana 21. i 23. Pravilnika.

- Uvidom u ugovore o djelu utvrđeno je da su fizička lica angažovana po ugovoru o djelu za obavljanje poslova u svrhu provođenja predizborne kampanje⁹ i to: Kasumović Adi čija vrijednost angažmana iznosi 25.000,00 KM i Bajrić Nejra čija vrijednost angažmana iznosi 8.000,00 KM. Stranka je pomenute troškove čija ukupna vrijednost iznosi 33.000,00 KM iskazala u okviru režijsko-administrativnih i ostalih troškova, iako je trošak vezan isključivo za kampanju, što je suprotno odredbama člana 21., 22. i 23. Pravilnika.

- Stranka je u poslovnim knjigama i finansijskom izvještaju iskazala troškove zakupa poslovnog prostora u iznosu od 98.241,92 KM. Uvidom u ugovore o zakupu poslovnog prostora, poslovne knjige i pomoćne evidencije utvrđeno je da su troškovi zakupa evidentirani i iskazani u većem iznosu za 1.600,00 KM za OO SDP BiH Rogatica, dok za tri općinska odbora stranka nije nikako iskazala troškove zakupa i to: OO SDP BiH Brod u iznosu od 316,80 KM, OO SDP BiH Kalesija u iznosu od 422,88 KM i OO SDP BiH Donji Vakuf u iznosu od 1.950,00 KM, a što ukazuje na činjenicu da stranka vodi nepotpune evidencije o poslovnim događajima.

Takođe, ukupni troškovi zakupa iskazani su u jednom iznosu kao trošak Glavnog odbora, i to za općinske odbore stranke za koje Glavni odbor plaća zakup. Stranka je imala obavezu da tako nastale troškove rasporedi po mjestu nastanka troška, odnosno iskazati po odborima.

Uvidom u poslovne knjige utvrđeno je da stranka prilikom evidentiranja troškova zakupa nije evidentirala i obaveze za iste, što ukazuje da stranka nema potpunu i tačnu evidenciju o stanju svojih obaveza.

- Uvidom u analitičke kartice koje je dostavilo pravno lice ABC 1968 doo utvrđeno je da stranka u svojim poslovnim knjigama nije evidentirala račun u iznosu od 2.801,00 KM a koji se odnosi na

⁹ Fizička lica su angažovana za sljedeće poslove: sponzorisanje SDP BiH na facebook-u u mjesecu septembru period ugovora 03-30.09.2016. godine i obavljanje poslova u Call centru SDP BiH period ugovora 05.07-05.09.2016. godine.

popravku vozila. Navedeni račun je plaćen iz dva djela, a platilo je Sarajevo osiguranje kod koga je automobil bio osiguran. Na ovaj način stranka je iskazala prihode i troškove u manjem iznosu za 2.801,00 KM.

- (8) Stranka u obrascu 5 (obaveze političke partije) finansijskog izvještaja nije iskazala sve svoje obaveze, čime je prekršila odredbe člana 24. Pravilnika.

Stranka je u 2016. godini izvršila nabavku kombija čiju je nabavku pored gotovinskog učešća finansirala putem lizing-a. Stranka je u svojim poslovnim knjigama evidentirala obaveze prema Porsche leasing-u u okviru dugoročnih razgraničenja po osnovu glavnice i kamate. Uvidom u dokumentaciju utvrđeno je da obaveze po osnovu lizinga iznose 32.871,18 KM, kao što je stranka i iskazala u obrascu 5. Međutim, prema poslovnim knjigama u okviru dugoročnih razgraničenja po osnovu glavnice i kamate ukupan saldo obaveza po osnovu lizinga na dan 31.12.2016. godine iznosi 32.284,11 KM.

- Kantonalni odbor SDP BiH Unsko-sanski je iskazao obavezu prema pravnom licu Dibs 98 doo u većem iznosu za 10.481,20 KM. Uvidom u izvod otvorenih stavki utvrđeno je da je stranka, odnosno Kantonalni odbor SDP BiH Unsko-sanski iskazao obavezu na dan 31.12.2016. godine prema Dibs 98 doo u iznosu od 6.893,30 KM, dok su prema izvodu otvorenih stavki potraživanja pravnog lica od stranke na dan 31.12.2016. godine iznosila 17.374,50 KM.
- Uvidom u akt Općine Donji Vakuf broj: 02-07-00731/17-1 od 12.04.2017. godine utvrđeno je da su obaveze Općinskog odbora SDP BiH Donji Vakuf nastale po osnovu zakupa na dan 31.12.2016. godine iznosile 1.462,50 KM, dok stranka u finansijskom izvještaju nije iskazala ove obaveze.
- Prema aktu Općine Živinice broj: 03-14-2826/17 od 25.04.2017. godine, obaveze Općinskog odbora SDP BiH Živinice nastale po osnovu zakupa na dan 31.12.2016. godine iznosile su 3.083,58 KM, dok je stranka u finansijskom izvještaju iskazala obaveze prema Općini Živinice u iznosu od 458,94 KM, što je za 2.624,64 KM manje u odnosu na stanje koje iskazuje Općina Živinice.

e) Bez kvalifikovanja revizijskog mišljenja, skrećemo pažnju na prihode od imovine koje je stranka ostvarila u 2016. godini.

Socijaldemokratska partija BiH je u finansijskom izvještaju iskazala kao prihod od imovine koji je ostvarila iznajmljivanjem poslovnih prostora, a da za neke od njih nisu riješeni vlasničko-pravni odnosi.

Socijaldemokratska partija BiH, kao pravni sljednik Saveza komunista BiH koristi nekretninu, odnosno poslovnu zgradu u Sarajevu, u ulici Alipašina 41. Pored toga što koristi poslovne prostorije za svoj rad, Socijaldemokratska partija BiH je dio zgrade iznajmila Vladi Federacije Bosne i Hercegovine, pa je od zakupnine ostvarene na ovaj način u 2016. godini ostvarila prihod u iznosu od 423.636,00 KM. Uvidom u zemljišnoknjižni izvadak broj 065-0-NAR-17-103 211 od 20.12.2017. godine, utvrđeno je da je nekretnina – zemljište na kome je izgrađena poslovna zgrada, upisana u B Vlasničkom listu kao državna svojina, a u C Teretnom listu uknjiženo je pravo korištenja radi dogradnje poslovne zgrade na zemljištu u A listu Popisnog lista, u korist Republičke konferencije Saveza socijalističkog radnog naroda (SSRN) Bosne i Hercegovine u Sarajevu sa 1/1.

Kod nadležnog suda u toku je postupak rješavanja vlasničko-pravnih odnosa nad navedenom nekretninom.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹⁰ po biraču u svakom izbornom krugu, prema broju birača koje je objavila Centralna izborna komisija BiH.

¹⁰ Član 15.10 stav 2. Izbornog zakona propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Prema podacima Centralne izborne komisije BiH, Socijaldemokratska partija BiH je u svrhu izborne kampanje mogla da potroši 1.612.310,40 KM.

Socijaldemokratska partija BiH je u godišnjem finansijskom izvještaju za 2016. godinu iskazala troškove propagande u iznosu od 814.138,31KM¹¹.

5.2. PREPORUKE

Preporučuje se Socijaldemokratskoj partiji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava,*
- *da u poslovnim knjigama i finansijskom izvještaju evidentira sve donacije, uključujući nenovčane,*
- *da se ne finansira iz izvora, koji su zabranjeni političkim strankama,*
- *da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima, rashodima i obavezama stranke,*
- *da troškove evidentira u poslovnim knjigama i iskazuje u finansijskom izvještaju u momentu nastanka obaveze, a ne u momentu plaćanja, odnosno da poslovne knjige vodi u skladu sa Zakonom o računovodstvu i reviziji Federacije BiH i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

Takođe, preporučujemo:

- *da stranka uspostavi pomoćne knjige osnovnih sredstava i pojedinačne evidencije amortizacije osnovnih sredstava (a prije svega građevinskih objekata),*
- *da ustroji saradnju sa organizacionim odborima kako bi od istih blagovremeno prikupila dokumentaciju i istu adekvatno i pravovremeno evidentirala i*
- *da rješi vlasničko-pravne odnose za nekretnine od čijeg izdavanja ostvaruje prihod od imovine.*

KOMENTAR

Socijaldemokratska partija Bosne i Hercegovine se u ostavljenom roku očitovala na Preliminarni izvještaj o reviziji godišnjeg finansijskog izvještaja za 2016. godinu. U očitovanju stranka je dostavila dokaz o vraćanju zabranjenih priloga pravnim licima: „Hunes“ doo u iznosu od 130,00 KM, „Zeka-Comerc“ doo u iznosu od 1.000,00 KM, „Džena“ doo u iznosu od 400,00 KM, „Gradnja 1“ doo u iznosu od 2.500,00 KM, „Hifa-Oil“ Tešanj u iznosu od 1.000,00 KM i „Hih“ doo Živinice u iznosu od 1.000,00 KM i Narodnoj stranci Radom za boljitak u iznosu od 2.192,00 KM. Služba za reviziju je uvažila argumentovane primjedbe, korekcije i ispravljene obrasce 2, 3, 3-f, 3-g i 5 i korigovala nalaze navedene u Preliminarnom izvještaju.

¹¹Troškovi propagande u godišnjem finansijskom izvještaju iskazani su u iznosu od 780.368,31 KM, dok je utvrđeno da iste treba uvećati za 33.770,00 KM. Takođe, navedeni iznos troškove nije konačan jer bi iste trebalo uvećati za troškove korištenja Kristalne sale Općine Bugojno, sale u Općini Stari Grad Sarajevo i kino sale „Kino Theatre“ doo Busovača u vlasništvu Općine Busovača, a za koje stranka nema iskazanu vrijednost, jer je iste koristila bez naknade.

Zahvaljujemo se ovlaštenoj osobi za finansijske izvještaje i zaposlenom osoblju u računovodstvu Glavnog odbora Socijaldemokratske partije BiH na dobroj i korektnoj saradnji tokom obavljanja revizije finansijskog izvještaja.

Šef Odsjeka za revizijske poslove

Sanja Tošović

Šef Službe za reviziju

Mr.sc Hasida Gušić

Revizor

Veliborka Kenjić

Pomoćnik revizora

Anela Burdžović-Kapić